



Republika e Kosovës
Republika Kosova
Republic of Kosovo



Komuna e Kamenicës
Opština Kamenica
Kamenica Municipality

Kuvendi Komunal-Kamenicë
Datë: 04.02.2026

Bazuar në dispozitat e nenit 12 paragrafi 12.2 pika d) dhe nenit 40 të Ligjit Nr. 03/L-040 për Vetëqeverisjen Lokale (Gazeta Zyrtare e Republikës së Kosovës, Nr. 28, datë 4 qershor 2008), si dhe Rregullores Sh.01.Nr.37866, të datës 05.12.2019, për Punën e Kuvendit të Komunës, si dhe në mbështetje të nenit 38 të Statutit Sh.01.Nr.20203, të datës 21.06.2023, të Komunës së Kamenicës, Kuvendi i Komunës së Kamenicës, në mbledhjen e mbajtur me datë 30.01.2026, miraton këtë:

V E N D I M

Për themelimin e Grupit Punues për hartimin e Draft Planit Vjetor të Punës së Kuvendit të Komunës së Kamenicës për vitin 2026

1. **Miratohet** vendimi për themelimin e Grupit Punues për hartimin e Draft Planit Vjetor të Punës së Kuvendit të Komunës së Kamenicës për vitin 2026.
2. Grupi Punues nga pika një (1) e këtij vendimi përbëhet nga këta anëtarë:
 - 2.1. **Arbnore Beqiraj Fera** - Kryesuese e Kuvendit Komunal;
 - 2.2. **Liridon Kastrati** - Këshilltar/e komunal/e nga Lëvizja Vetëvendosje (LVV);
 - 2.3. **Djellonë Rrudhani Ahmeti** - Këshilltar/e komunal/e nga Partia Socialdemokrate (PSD);
 - 2.4. **Labinot Skovrqani** - Këshilltar/e komunal/e nga Aleanca për Ardhmërinë e Kosovës (AAK);
 - 2.5. **Jeton Biqkaj** - Këshilltar/e komunal/e nga Lidhja Demokratike e Kosovës (LDK);
 - 2.6. **Granit Berisha** - Këshilltar/e komunal/e nga Partia Demokratike e Kosovës (PDK);
 - 2.7. **Ivan Marcovic** - Këshilltar/e komunal/e nga Lista Serbe (LS);
 - 2.8. **Violeta Krasniqi** - Zyrtare e Kuvendit Komunal;
 - 2.9. **Lavdim Klaiqi** - Përfaqësues/e nga shoqëria civile.
3. Grupi Punues, në përputhje me pikën një (1) të këtij vendimi dhe në konsultim me Kryetarin e Komunës, drejtorët e drejtorive komunale, subjektet politike të përfaqësuara në Kuvend dhe përfaqësuesit e shoqërisë civile, harton draftin e Planit Vjetor të Punës së Kuvendit të Komunës së Kamenicës për vitin kalendarik 2026, të cilin e paraqet për shqyrtim dhe miratim në Kuvendin Komunal.
4. Plani Vjetor i Punës së Kuvendit duhet të përmbajë objektivat dhe qëllimet e Kuvendit, aktivitetet e planifikuara të Kuvendit dhe të komiteteve obligative dhe funksionale, afatet për

realizimin e aktiviteteve të parapara, si dhe koston financiare për zbatimin e Planit të Punës.

5. Plani Vjetor i Punës së Kuvendit mund të ndryshohet dhe plotësohet nga Kuvendi Komunal sa herë që paraqitet nevoja. Për zbatimin e këtij vendimi përgjegjës është Kryesuesja e Kuvendit Komunal të Kamenicës.
6. Ky vendim hyn në fuqi ditën e nënshkrimit nga Kryesuesja e Kuvendit Komunal.

Vendimi i u dërgohet: Zyrës së Kryetarit, Shërbimit të Kuvendit, MAPL-së, Zyrës së Informimit, Zyrës së Përkthimeve dhe Arkivit.


Kryesuese e Kuvendit Komunal


Arbnore BEQIRAJ FERA





Republika e Kosovës
Republika Kosova
Republic of Kosovo



Komuna e Kamenicës
Opstina Kamenica
Kamenica Municipality



Kuvendi Komunal-Kamenicë
Më: 04.02.2026

Bazuar në nenin 12 paragrafi 2 shkronja d) të Ligjit Nr.03/L-040 për Vetëqeverisjen Lokale (Gazeta Zyrtare Nr.28 Publikuar më 4 qershor 2008), nenin 13 të Ligjit Nr. 06/L-092 për Dhënien në Shfrytëzim dhe Këmbimin e Pronës së Paluajtshme të Komunës, nenit 6 të Rregullores (QRK) Nr. 09/2020 për Përcaktimin e Procedurave të Dhënies në Shfrytëzim dhe Këmbimin e Pronës Komunale, nenin 5 paragrafi 1 shkronja h), si dhe neni 38 të Statutit Sh.01.Nr.20203 datës 21.06.2023 të Komunës së Kamenicës. Kuvendi i Komunës së Kamenicës në mbledhjen e mbajtur me datë: 30.01.2026 miratoi këtë:

V E N D I M

(Për publikim të listës së përgjithshme dhe të veçantë të pronave të paluajtshme që planifikohen për dhënien në shfrytëzim për vitin 2026

1. **Miratohet** Vendimi për publikim të listës së përgjithshme dhe të veçantë të pronave që planifikohen për dhënien në shfrytëzim për vitin 2026 nga Komuna e Kamenicës.
2. Procedura për dhënien e pronës së paluajtshme të Komunës në shfrytëzim ka për qëllim zhvillimin ekonomik dhe interesin publik të Komunës, do të jetë në përputhje të plotë me Ligjin Nr.06/L-092 për Dhënien në Shfrytëzim dhe Këmbimin e Pronës së Paluajtshme të Komunës dhe Rregullores (QRK) Nr. 09/2020 për Përcaktimin e Procedurave të Dhënies në Shfrytëzim dhe Këmbimin e Pronës Komunale.
3. Vendimit i bashkëngjitet Lista Sh.02.Nr.2263 i datës 27.01.2026 e përgjithshme dhe Sh.02.Nr.2258 i datës 27.01.2026 e veçantë e pronave të paluajtshme të Komunës për publikim të cilat planifikohen të jepen në shfrytëzim për vitin 2026.
4. Për zbatimin e këtij vendimit kujdeset Kryetari i Komunës së Kamenicës së bashku me Drejtoritë përkatëse.
5. Vendimi shpallet 30 ditë pas regjistrimit në zyrën e protokollit të Ministrisë për Vetëqeverisjen Lokale, dhe hyn në fuqi 7 ditë pas publikimit në ueb faqen e Komunës së Kamenicës.

Vendimi t'i dërgohet:

Zyrës së Kryetarit, Shërbimi të Kuvendit, Zyrës së Përkthimeve, Zyrës së Informimit, Drejtorisë për Pronë, Kadastër dhe Gjeodezi, MAPL-së si dhe Q.SH.Q-arkiv.

Kryesuese e Kuvendit Komunal

Arbnore BEQIRAJ FERA





Republika e Kosovës
Republika Kosova - Republic of Kosovo
Qeveria - Vlada - Government
Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

Për:	Kadri Rrahimaj , Kryetar i Komunës së Kamenicës Arbnore Beqiraj Fera , Kryesuese e Kuvendit të Komunës së Kamenicës	
Kopje:	Njësisë për Administrimin e Dokumenteve në MAPL Njësisë për Administrimin e Dokumenteve në Komunë	
Përmes:	Elbert Krasniqi , Ministër i MAPL-së Jeton Qela , Sekretar i Përgjithshëm në MAPL	
Nga:	Erblin Hetemi , Udhëheqës i Departamentit Ligjor, MAPL	Date: 10.02.2026 VI-020-95
Zyrtaret përgjegjës:	Xhevat Tafa , Udhëheqës i Divizionit për Shqyrtimin e Ligjshmërisë së Akteve të Kuvendeve Komunale dhe Akteve të Kryetarit Vjosa Ahmetaj , Zyrtare e Lartë për Shqyrtimin e Ligjshmërisë së Akteve të Komunës	
Lënda:	Konfirmim i ligjshmërisë së aktit të Komunës së Kamenicës	
Lloji i aktit:	Vendim i Kuvendit të Komunës	

I nderuar Kryetar,

I nderuar Kryesues,

Në pajtim me nenin 9 të Ligjit Nr. 08/L-284 për Shqyrtimin Administrativ të Akteve të Komunave, Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, si dhe Rregulloren Nr. 06/2021 për ndryshimplotësimin e Rregullores (QRK) Nr. 10/2019, për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 14/2023 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor i Ministrisë së Administrimit të Pushtetit Lokal ka pranuar për shqyrtim të detyrueshëm të ligjshmërisë aktin e kuvendit të komunës në vijim:

Vendim 01 Nr. 3067 për publikim të listës së përgjithshme dhe të veçantë të pronave të paluajtshme që planifikohen për dhënie në shfrytëzim për vitin 2026

I miratuar më datë: 30.01.2026

I parashtruar për shqyrtim në MAPL më datë: 04.02.2026

Ministria e Administrimit të Pushtetit Lokal, pas shqyrtimit të përmbajtjes së aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi.

Arsyetim

Kuvendi i Komunës së Kamenicës në mbledhjen e mbajtur me datë 30.01.2026, ka miratuar Vendimin 01 Nr. 3067 për publikim të listës së përgjithshme dhe të veçantë të pronave të paluajtshme që planifikohen për dhënien në shfrytëzim për vitin 2026.

MAPL, konstaton së vendimi i nxjerrë nga Kuvendi i Komunës së Kamenicës, është bazuar në nenin 12, paragrafi 2, shkronja d) të Ligjit për Vetëqeverisjen Lokale të Komunave (Gazeta Zyrtare e Republikës së Kosovës Nr. 28 e datës 04 Qershor 2008), në nenin 13 të Ligjit Nr. 06/L-092 për dhënien në shfrytëzim dhe këmbimin e pronës së paluajtshme të komunës, në nenin 6 të Rregullores (QRK) Nr. 09/2020 për përcaktimin e procedurave të dhënies në shfrytëzim dhe këmbimin e pronës së paluajtshme të komunës, në nenin 5 paragrafi 1 shkronja h), si dhe në nenin 38 të Statutit Sh.01.Nr.20203, të datës 21.06.2023 të Komunës së Kamenicës, sipas të cilit vendim do të bëhet publikimi i listës së përgjithshme dhe të veçantë të pronave të paluajtshme që planifikohen për dhënien në shfrytëzim për vitin 2026.

Vendimi është miratuar në mbledhjen e Kuvendit të Komunës së Kamenicës me datë 30.01.2026, është miratuar më 15 vota për, 0 kundër dhe 0 abstenim.

Ministria e Administrimit të Pushtetit Lokal, mbetet në dispozicion të komunës për çfarëdo sqarimi të mëtejshme lidhur me këtë vlerësim.